


玉茗堂傳奇

邯鄲夢上

七



漢書門			
三二七〇	九	五	〇
類	號	函	架
八	二	八	冊


內閣文庫			
三二七〇	三	八	〇
漢書	類	冊	架
三	八	四	函

內閣文庫			
番號	漢	3270	
冊數	8 ( 7 )		
函號	308	205	

全八冊









題邯鄲夢

淺草文庫

人生如夢。惟悲歡離合。夢有凶吉。爾  
邯鄲生忽。而香水堂。曲江池。忽而陝  
州。城祁連山。忽而雲陽市。鬼門道。翠  
華樓。極悲極歡。極離極合。無之非枕  
也。狀頭可奪。司戶可笞。夢中之炎涼  
也。鑿邾行。謀置牛起城。夢中之經濟





是也。君矣。喪元。諸番。賜錦。夢中之治亂也。遠竄以酬。悉那死讒以報。宇文夢中之輪迴也。臨川公能以筆豪墨。潘繪夢境爲真境。繪驛使番兒織女輩之真境爲盧生夢境。臨川之筆夢花矣。若曰。死生大夢覺也。夢覺小生死也。不夢卽生。不覺卽夢。百年一瞬耳。

奈何不泯。恩怨忘寵辱。等悲歡。離合於漚花泡影。領取趙州橋面目。乎嗟乎。盧生蔗蘗八十年。躑躅數千里。不離趙州寸步。又烏知夫諸僊衆。非卽我眷屬。跳弄而蓬萊島。猶是香水堂。曲江池。翠華樓之變現。乎凡亦夢僊。亦夢凡。覺亦夢。僊夢亦覺。微乎微乎。



是其一也  
臨川教我矣。

震峰居士沈際飛湯書

韻歌

邯鄲夢記題詞

士方窮苦無聊。倏然而與語出將入相之事。未嘗不  
無然太息。庶幾一遇之也。及夫身都將相。飽厭濃醒  
之奉。迫束形勢之務。倏然而語以神仙之道。清微閒  
曠。又未嘗不欣然而歎。倘然若有遺。暫若清泉之活  
其目。而涼風之拂其軀也。又况乎有不意之憂。難言  
之事者乎。回首神仙。蓋亦英雄之大致矣。邯鄲夢記  
盧生遇仙旅舍。授枕而得婦。遇主。因入以開元時人  
物事勢。通漕於陝。拓地於番。讒構而流。讒亡而相於




中寵辱得喪生死之情甚具大率推廣焦湖祝枕事  
 爲之耳世傳李鄴侯泌作不可知然史傳泌少好神  
 仙之學不屑昏宦爲世主所強頗有幹濟之業觀察  
 郊號鑿山開道至三門集以便餉漕又數經理吐番  
 西事元載疾其寵天子至不能庇之爲匿泌於魏少  
 遊所載誅召泌懶殘所謂勿多言領取十年宰相是  
 也枕中所記殆泌自謂乎唐人高泌於魯連范蠡非  
 止其功亦有其意焉獨歎枕中生於世法影中沈酣  
 吟嚙以至於死一哭而醒夢死可醒真死何及或曰

按記則邊功河功蓋古今取奇之二竅矣談者殆不  
 必了人至乃山河影路萬古歷然未應悉成夢具曰  
 旣云影跡何容歷然岸谷滄桑亦豈常醒之物耶第  
 槩云如夢則醒復何存所知者知夢遊醒必非枕孔  
 中所能辯耳

臨川湯顯祖自題





邯鄲夢目次

卷上

標引

度世

招賢

奪元

虜動

鑿邲

望幸

行田

入夢

贈試

驕宴

外補

邊急

東巡



西謀

大捷

卷下

勒功

閨喜

飛語

死竄

讒快

備苦

織恨

功白

召還

襍慶

極欲

友嘆

生寤

合僊

目終

玉茗堂傳奇

濁深居點次

邯鄲夢卷上

第一齣

標引

漁家傲末上鳥兔天邊纔打照、仙翁海上驢兒叫、一

霎蟠桃花綻了、猶難道仙花也要閑人掃、○一枕餘

酣昏又曉、憑誰撥轉通天竅、白日殢西還是早回頭

笑、忙忙過了邯鄲道、

何仙姑獨遊花下、

呂洞賓三過岳陽、



俏崔氏坐成花燭。蠢盧生夢醒黃梁。

第二齣 行田

破齊陣。生上。極目雲霄有路。驚心歲月無涯。白屋三  
間。紅塵一榻。放頓愁腸不下。展秋窻。腐草無螢火。盼  
古道垂楊有暮鴉。西風吹髮華。

宋人題文

若薩蠻倒句。客驚秋色山東宅。宅東山色秋驚客。

盧姓舊家儒。儒家舊姓盧。隱名何借問。問借何名  
隱。生小誤痴情。情痴誤小生。小生乃山東盧生是  
也。始祖藉貫范陽郡。土長根生。先父流移邯鄲縣。

村居草食。自離母穴。生成背厚腰圓。未到師門。早  
已眉清目秀。眼到口到。心到。於書無所不窺。時來  
運來命來。所事何件不曉。數什麼道理。繭絲牛毛。  
我筆尖頭。一些些都筭的進。挑的出。怕那家文章。  
龍牙鳳尾。我錦囊底。一樣樣都放的去。收的來。呀。  
說則說了百千萬般。遇不遇。今二十六歲。今日才  
子。明日才子。李赤是李白之兄。這科狀元。那科狀  
元。梁九乃梁八之弟。之乎者也。今文豈在我之先。  
亦已焉哉。前世落在人之後。衣冠欠整。稂不稂。秀

畫出我輩  
未遇行藏



不秀。人看處。面目可憎。世事都知。啞則啞。聾則聾。自覺得語言無味。真乃是人無氣勢。精神減。家少禾糧。應對微。所賴有數畝荒田。正直秋風禾黍。諒後進難攀先進。誰想這君子也。如用之。學老圃。混着老農。難道是小人哉。何須也。到九秋天氣。穿扮得衣無衣。褐無褐。不湊膝短裘。敝貂。往三家店兒。乘坐着馬非馬。驢非驢。略搭脚青駒似狗。咳。雖則如此。無之奈何。不免韉上蹇驢。散心一會。鞞驢驢鳴介。我此驢也。相伴多年了。再不能勾駟馬高車。

年年邯鄲道上也。行介

柳搖金。青驢繫跨。霜風漸加。克膝的短裘。揜不住沙塵刮。空田噪晚鴉。牛背上夕陽西下。秋風古道紅樹。槎牙槎牙。唱道是秋容如畫。

日已向晚。且西村暫住。明日再田上去。

返照入間巷。

憂來共誰語。

古道少人行。

秋風動禾黍。

第三齣

度世

扮呂仙。襖葫蘆枕上。集唐蓬島何曾見一人披。



星帶月斬麒麟。無緣邀得乘風去。迴向瀛洲看日輪。自家呂岩字洞賓。京兆人也。忝中文科進士。素性飲酒任俠。曾於咸陽市上酒中殺人。因而亡命。久之貧落。道遇正陽子鍾離權先生。能使飛昇黃白之術。見貧道行旅消乏。將石子半斤。點成黃金一十八兩。分付貧道仔細收用。貧道心中有疑。叩了一頭。稟問師父。師父曰。此乃點石爲金。後來仍變爲石乎。師父說五百年後。仍化爲石。貧道立取黃金拋散。雖然一時濟我緩急。可惜悞了五百年後。

遇金人。師父啞然大笑。呂岩呂岩。一點好心。可登仙界。遂將六一飛昇之術。心心密證。口口相傳。行之三十餘年。忝登了上八洞神仙之位。只因前生道緣深重。此生功行纏綿。性頗混塵。心存度世。近來奉東華帝旨。新脩起一座蓬萊山門。門外蟠桃一株。三百年其花纔放。時有皓劫剛風。等閑吹落花片。塞碍天門。先是貧道度了一位何仙姑來此。逐日掃花。近奉東華帝旨。何姑證入仙班。因此張果老仙尊。又着貧道駕雲騰霧。於赤縣神州。再覓



取一人來供掃花之役、道猶未了、何姑笑舞而來也、扮仙姑持箒上好風吹起落花也、

賞花時

翠鳳毛翎札箒、又閑踏天門掃落花、你看

風起玉塵砂、猛可的那一層雲下、抵多少門外即天

涯、

見介洞賓先生何往、呂恭喜你領了東華帝旨、證

了仙班、果老仙翁、誠恐你高班已上、掃花無人、着

我再往塵寰、度取一位、敢支分殺人也、何洞賓先

生大功行了、只此去未知度人何處、蟠桃宴可早

趕的上也、

么

你休再劍斬黃龍一線差、再休向東老貧窮賣

酒家、你與俺高眼向雲霞、洞賓呵、你得了人、早些兒

回話、遲呵、○雋錯教人留恨碧桃花、下

呂仙姑別去、不免將此磁枕、裙袂駕雲而去也、枕

沒意思是頭邊枕磁為心上慈、下丑上我這南湖秋水夜

無烟、柰可乘流直上天、且就洞庭賒月色、將船買

酒、白雲邊、內笑介小二哥發誓不賒、又賒了、丑賒

的賒一月、買的買一般、小子在這岳陽樓前開張




箇大酒店、因這洞庭湖水多、酒都扯淡了、這幾日  
 賒也沒人來、好笑好笑、內叫介小二哥、那不是兩  
 箇賒的來了、丑請進請進、扮二客上一生湖海客、  
 半醉洞庭秋、小二哥買酒、丑應介客看壺介酒壺  
 上怎生寫着洞庭二字、丑盛水哩、客笑介也罷、拚  
 我們海量吞你幾箇洞庭湖、丑二位較量飲、一客  
 小子鄱陽湖生意、飲八百杯罷、一客小子廬江客、  
 飲三百杯、丑這等消我酒不去、八百鄱陽三百焦、  
 到不得我這把壺一箇腰、客好大壺嘴哩、做飲唱

隨意介 丑又一個帶牛鼻子的來了、

中呂粉蝶兒 呂上秋色消疎、下的來幾重雲樹、卷滄  
 業半葉淺蓬壺、踐朝霞、乘暮靄、一步捱一步、剛則背  
 上葫蘆、這淡黃生可人衣服、

醉春風 則為俺無挂碍的熱心腸、引下些有商量  
 來的清肺腑、這些時蹬着眼下山頭、把世界幾點兒  
 來數數、這底是三楚三齊、那底是三秦三晉、更有我  
 不着的三吳三蜀、

說話中間、前面洞庭湖了、好一座岳陽樓也、





紅繡鞋 赴江鄉落霞孤鶩弄瀟湘雲影蒼梧殘暮  
雨響菰蒲晴嵐山市語烟水捕魚圖把世人心閑看

取

邊旁放着一座大酒店店主有么丑請進送酒介

迎仙客 吕俺曾把黃鶴樓鐵笛吹又到這岳陽樓將

村酒沽好景好景前面漢陽江上面瀟湘蒼梧下面

湖北江東請了丑請什麼子吕來稽首是有禮數的

洞庭君主丑鬼話內鴈叫介吕聽平沙落鴈呼遠水

孤帆出這其中正洞庭歸客傷心處趕不上斜陽渡

吕作醉介酒是神仙造神仙喫你這一班兒也知

道喫什麼酒二客惱介哎也哎也可不道一品官

二品客到不高如你我穿的細軟羅段喫的細料

茶食用的細絲鏤錠似你這般不看你喫的看你

穿的哩希泥希爛的醒眼看醉漢你醉漢不堪扶

吕笑介

石榴花 俺也不和他評高下說精粗道俺個醉漢

不堪扶偏你那看醉人的醒眼不模糊則怕你材沙

勢比俺更俗橫歿眼比俺更毒客云野狐騷道出口

邪邪

七



傷人、還不去、還不去、扯破他衣服、何必呂為什麼扯斷絲

帶、扯破衣服、罵俺作頑涎騷道野狐徒、

客好笑好笑、便那葫蘆中、那討些子藥物、都是燒酒氣、

鬪鶴鶉呂你笑他盛酒的葫蘆、須有些不着緊的信

物、硬擎着你七尺之軀、俺老先生看汝、客云看什麼

子、無過是酒色財氣、人之本等哩、呂你說是人之本

等、則見使酒的爛了脅肚、客云氣呢、呂使氣的腆破

胸脯、客云財呢、呂急財的守着家兄、客云色呢、呂急

色的守着院主、

上小樓、呂這四般兒非親者故、四般兒為人造畜、客

云難道人有了君臣、纔是富貴、有兒女家小、纔快活

都是酒色財氣上來的、怎生住的手、呂你道是對面

君臣、一胞兒女、貼肉妻夫、則那一口氣不遂了心、來

從何處來、去從何處去、俺替你愁、俺替你想、敢四般

兒那時纔住、

客一會了先生、未必稱一些陰陽晝夜不知、呂笑介你可

知么、



么問你個如何是畢月烏、客云月黑了、就是吕如何、是房日兔、客想介云醉了房兒裡吐去、吕你道如何、是三更之午、十月之餘、一刻之初、客云聽他什麼、只、  
我出家人有五行攢聚、

金丹餘唾

衆瞧介包兒裡是箇磁瓦枕、打碎他的、吕怎碎的、他呵、客是什麼生料、碎不的他、  
白鶴子吕是黃婆土、築了基、放在偃月爐、封固的是、七般泥、用坎離為藥物、

客怎生下火、

么吕扇風囊、隨鼓鑄、磁末料、寫流珠、燒的那粉紅丹、色樣殊、全不見枕根頭、一線兒絲痕路、

客笑介枕兒兩頭大窟弄、先生害頭風、出氣的、

么吕這是按八風、開地戶、憑二曜、透天樞、客云到空、空的發亮、吕有甚的空籠樣、枕江山、早則是連環套、通心腑、

列位都來盹上一會么、客寡漢睡的、吕笑介到不、寡哩、



么 半凹兒承姪女、竝枕的好妻夫、客云有甚好處、

吕好消息在其中、但枕着都有個回心處、

客難道有這話、我們再也不信、吕此處無緣、列位

看官們請了、

快活三 不是俺袖青蛇膽氣粗、則是俺憑長嘯海、

天狐、則俺朗吟飛過洞庭湖、度的是有緣人人何處、

下

衆笑介 那先生被我們囉哩的去了、我們也去罷、

相逢不飲空歸去、洞口桃花也笑人、衆下 吕上好

笑好笑、笑一箇大岳陽樓無人可度、只索望西北方

迤逗而去、

鮑老兒 這是你自來的辛苦、一口氣許了師父少

不得逢人問渡、遇主尋塗、是不是、口邏着道詞、一路

的做鬼粧狐、

呀、一道清氣貫於燕之南、趙之北、不免換轉雲頭、

順風而去、

滿庭芳 非關俺妄言禍福、怎頭直上非烟非霧、脚

踏下非楚非吳、眼抹裏這非赤也非烏、莫不是青牛



氣函關直豎莫不是蜃樓氣東海橫鋪沒羅鏡分金  
指度打向假隨方認取呀却原來是近清河邯鄲全  
趙那邊隅

仔細看來是邯鄲地方此中怎得有神仙氣候也  
耍孩兒 史記上單注着會歌舞邯鄲女俺則道幾  
千年出不的個藺相如却怎生祥雲氣罩定不尋俗  
滿塵埃他別樣通疎知他蘆花明月人何處流水高  
山客有無俺到那有權術偷鞭影看他驢橛下探竿  
識得龍魚

尾聲 欠一箇蓬萊洞掃花人走一片邯鄲城尋地  
主但是有緣人俺盡把神仙許則這熱心兒普天下  
遇着他都姓呂

日月秘靈洞 雲霞辭世人  
為結同心侶 遙遙下碧雲

第四齣 入夢

丑上 北地秋深帶早寒白頭祖籍住邯鄲開張村  
務黃梁飯是客都談處世難小子在這趙州橋北  
開一箇小小飯店這店前店後田庄半是這范陽

一本作一  
駕祥雲下  
玉京臨凡  
頁度掃花  
人大抵亂  
坤都一照  
免教人在  
暗中行四  
句不佳



鎮盧家的、他家往來歇脚在我店中、也有遠方客  
商來此打火、目今點心時分、看有甚人來、呂背裕  
袂枕笑上、一粒粟中藏世界、半升鎊裏煮乾坤、貧  
道打從岳陽樓上、望見一縷青氣、竟接邯鄲、迤邐  
尋來、原來此氣落在邯鄲縣趙州橋西盧生之宅、  
貧道卽從人中觀見盧生相貌、清奇古怪、真有半  
仙之分、便待引見而度之、則爲此人沉障久深、心  
神難定、因他學成文武之藝、未得售於帝王之家、  
以此落落其人悶悶而已、此非口舌所能動也、想

村話

介則除是如此如此、纔有箇醒發之處、俺先到店  
窩兒候他也、

瑣南枝

青蛇氣、碧玉袍、按下了雲頭、離碧霄、驀過

趙州橋、登上這邯鄲道、

內雞鳴犬吠介、

呂云好一座

村庄、犬吠雞鳴、頗堪消遣、

丑見介、

客官請坐、呂俺把

擔囊放塵榻、高比那岳陽樓、近多少、

丑道丈何來、

呂我乃回道人、借坐一會、

背介那人

騎一匹青驢、駒來也、

喫訣介、

那驢兒、雞兒、犬兒、和

那塵世中一班人物、但是精靈合用的、都要依吾



法旨聽用，不得有違勅。

前腔 生短裘鞭驢上，風吹帽，裘敝貂，短秃促青驢，韉斷了稍。丑云：盧大官人，生叮嚀裡一週遭，那鞵軸畔誰相叫，原來邸舍中主人，我且坐一會去，驢繫這椿，楸上餵些草。丑知道了，生見呂介，輕提手，當折腰，但相逢這面兒好。

生店主人，這位老翁何處？丑回回國來的，生老翁容貌不像回回。呂貧道姓回，從岳陽樓過此，足下高姓？生小子盧生是也，久聞的箇岳陽樓景致，何

直寫一通  
食生不化

如呂有岳陽樓記一篇，略表白幾句，你聽。夫巴陵勝狀在洞庭一湖，岬遠山吞長江，浩浩蕩蕩，橫無際涯。朝暉夕陰，氣象萬千，此則岳陽樓之大觀也。非通巫峽，南極瀟湘，仙客騷人多會於此，覽物之情，得無異乎？若夫靈雨霏霏，連月不開，陰風怒號，濁浪排空，日星隱曜，山岳潛形，商旅不行，檣傾櫂摧，薄暮冥冥，虎嘯猿啼，登斯樓也，則有去國懷鄉，憂讒畏譏，滿目蕭然，感極而悲者矣。至若春和景明，波瀾不驚，上下天光，一碧萬頃，沙鷗翔集，錦鱗



游泳岸芷汀蘭郁郁青青而或長烟一空皓月千里浮光躍金靜影沉璧漁歌互答此樂何極登斯樓也則有心曠神怡寵辱皆忘把酒臨風其樂洋洋者矣。生好景致也老翁記的恁熟諷誦如流可到了幾次。呂不多三次了有詩爲証朝遊碧落暮蒼梧袖有青蛇膽氣粗三過岳陽人不識朗吟飛過洞庭湖。生老翁好吟咏也則朝遊碧落暮蒼梧蒼梧在南楚地方碧落在那裡。呂若論碧落路程眼前便是。生笑介老翁哄弄庄家哩。呂這等且說

今年庄家如何。生謝聖人在上去秋庄家一畝打七石八斗今歲整整的打勾了九石九哩。呂這等你受用哩。生笑介可是受用了。生忽起介自看破裘嘆介大丈夫生世不諧而窮困如是乎。呂觀子肌膚極臙體胖無恙談諧方暢而嘆窮困者何也。前腔你身無恙生事饒旅舍裡相逢如故交暢好的不妝喬正用歡言笑因何恨不自聊嘆孤窮還待怎生好。

生老翁說我談諧得意吾此苟生耳何得意之有



甘  
[呂]此而不得意、何等爲得意乎、[生]大丈夫當建功  
樹名、出將入相、列鼎而食、逸聲而聽、使宗族茂盛  
而家用肥饒、然後可以言得意也、

前腔 俺呵身遊藝、心計高、試青紫、當年如拾毛、到  
如今呵、俺三十筭齊頭、尚走這田間道、老翁有何暢、  
叫俺心自聊、你道俺未稱窮、還待怎生好、

[生作痴介]我一時困倦起來了、[丑]想是饑乏了、小  
人炊黃梁爲君一飯、[生]待我榻上打箇盹、[睡介]少  
箇枕兒、[呂]盧生盧生、你待要一生得意、我解囊中

贈君一枕、開囊取枕與生介

尾聲 看你困中人、無智把精神倒、你枕此枕呵、敢  
着你萬事如期、意氣高、店主人、你去煮黃梁、要他美、  
甘甘清睡、箇飽、[呂下]生作睡不穩介、看枕介、

懶畫眉 這枕呵、不是藤穿刺、繡錦編牙、好則是玉  
切香雕體、勢佳、呀、原來是磁州燒出的瑩無瑕、却怎  
生兩頭漏出通明罅、[抹眼介]莫不是睡起、瞶瞪眼、挫  
花、[瞧介]有光透着房子裡、可是日光所映、

前腔 則是半間茅屋、甚光華、敢則是落日橫穿一



從此入幻  
匪夷所思

甘畢夢  
線斜須不是俺神光錯模眼麻查待我起來瞧着起  
向鬼門驚介呀緣何即留即漸的光明大待俺跳入  
壺中細看他

做跳入枕中枕落去生轉行介呀怎生有這一條  
齊整的官道行介好座紅粉高墻

朝天子 一徑香風軟碧沙粉墻低轉處有人家門  
開在這裡待我驀將進去閃銅環呀的轉簷牙滿庭  
花重重簾幙鎖烟霞甚公侯貴爵甚公侯貴衙

門簾以內深院大宅了門兒外瞧着前面太湖石

山子堂上古畫古槩寶鼎銅雀碧珊瑚紅地衣

前腔 堂院清幽擺設的佳似有人朱戶裡小牕紗

內叫介什麼閑人行走快拿快拿生慌介急迴廊怕

的惹波查內叫介掩上門快拿快拿生慌介怎生好

門又閉了且喜旁邊有芙蓉一架可以躲藏省喧譁

如魚失水旱蓮花且低回自家且低回自家老旦叫

拿介上那人何處也小姐早上

不是路旦引占上浪影空花陌上香魂不住家仙靈

化差排門戶粉脂搽旦云奴家清河崔氏之女是也

邯鄲夢上

二



這兩箇、一箇是老嫗、一箇是梅香、住這深院重門、未  
有夫君、誰到簾櫳之下、走藏何處也。老影交加、那人  
呵、多應躲在芙蓉架。叫介那漢子還不出來、拿去官  
司打折了他。生作怕慌上介休要拿、小生在此。老甚  
么寒酸、還不低頭。捉生低頭跪介老俺這朱門下、窮  
酸恁的無高下、敢來行踏、敢來行踏。

旦問漢子何方人氏、姓甚名誰、

前腔生黃卷生涯、盧姓山東、也是舊家、閑停踏、偶然  
迷悞到尊衙。旦云、家中有甚么人。生自嗟呀、也無妻、

小無爹媽、長則是向孤燈守歲華。老你沒有妻子、在

這裡狗頭狗腦。生小生怎敢、須詳察、書生老實、知刑

法、敢行調達、敢行調達。旦叫那漢子抬頭。生不敢。老

小姐恕你抬頭。生瞧介原來是個女郎。老咄、

前腔旦俺世代榮華、不是尋常百姓家、你行奸詐、無

端窺竊上陽花。生不敢。旦梅香和俺快行拿。占云、沒

有索子。旦鞦韆索子上高懸掛。占沒甚么行杖。旦搗

杖鼓的鞭兒、和俺着實的搗。生苦也、苦也。老要饒麼、

生可知道要饒。老這等漢子、叩頭告饒。旦非奸即盜、



甘單夢  
天條一些去不的、老嫫嫫、則問他私休、官休、私休、不許他家去、收他在俺門下、成其夫妻、官休、送他清河縣去、老對生介、替你告饒了、小姐分付官休私休、私休、不許你家去、收留你在這裡與小姐成其夫妻、官休、送你清河縣去、生情願私休、老一讓一箇肯、回介、稟小姐、秀才情願私休、旦這等恕他起來、老小姐放你起來、生起笑、旦看羞介、老嫫快下了簾兒、俺好看他不上、酸寒煞、你引他去迴廊洗浴更衣罷、再來回話、再來回話、

老旦秀才小姐分付迴廊外香水堂洗澡去、生笑介、好不措人、既在矮簷下、怎敢不低頭、

前腔老引生上、這香水渾家、把俺滌爪修眉刷淨了

牙老便道是你渾家、還蚤哩、相抬刮這堵前跪下手

兒又生拱立老回話介、稟小姐、那漢了洗浴更衣了

夢境中逼  
直處

旦那人怎么、老儘風華衣冠濟楚多文雅、旦低問介

內才怎的、老低笑介、便是那話兒、郎當你可也、逼着

他、旦笑介、休胡哈、梅香捲簾、占捲簾介、旦俺盈盈暮

雨快把這湘簾掛、生跪旦扶起介、男兒膝下男兒膝

那那夢上

大



下

旦盧生盧生、奴家憐君之貧、收留你為伴、無媒奈

何、老老身當媒、佳期休候、內鼓樂老贊拜介、占新

人新郎、進合歡之酒、旦把酒介

賀新郎 羞殺兒家、早蓮腮映來杯、筆驟生春滿堂

如畫人瀟灑、為甚麼、閑步天台、看晚霞拾的箇阮郎

門下、低低笑、輕輕哈、逗着文君寡、合雲雨事休驚怕

前腔 生三十無家、邯鄲縣偶然存割、坐酸寒、衣衫藉

苴、粧聾啞、誰承望、顛倒英雄在絳紗、無財帛單鎗入

馬能粗細、知高下、你穩着心兒把、合前

老占 好夫妻進洞房、花燭行介

節節高 崔盧舊世家、兩韶華、偶逢狹路通情話、教

洗刮沒爭差、無喇塌、帽兒抹的光光乍、燈兒照的嬌

嬌姹、○使○事○穩○協○崔家原有舊根牙、盧郎也不年高大

前腔 天河犯客槎、猛擒拿、無媒織女容招嫁、休計

掛沒嗟呀、多喜洽、檀郎蘸眼驚紅乍、美人帶笑吹銀

蠟、今宵同睡、碧窻紗、明朝看取香羅帕

尾聲 果然是春無價、盼暮雨為雲初下榻、旦盧郎



呵、這是俺和你五百歲因緣到了家、

偶然高築望夫臺、即景 俵俵書生走入來、

今夜不須磁作枕、輕抽玉臂枕郎腮、

第五齣 招賢

霜天曉角外扮蕭嵩美髯上江南雲樹冷落青門庶、

萋萋芳草似憐予、有路長安怎去、

集唐千秋萬古共平原。生事蕭條空掩門。試問酒

旗歌板地有誰傾蓋待王孫。小生蘭陵蕭嵩字一

忠是也。梁武帝蕭衍之苗裔。宋國公蕭瑀之曾孫。

只因岸谷遷移、滄桑變改、文武之道頓盡、琴書之

興猶存、且是美于鬚髯、儀形偉麗、有人相我爵壽

雙高、這不在話下了、有箇異姓兄弟、叫做裴光庭、

乃金牙大總管、封聞喜縣公、裴行儉之晚子、兼是

當朝武三思之女婿、古今典故、深所諳知、但此弟

長有一點妬心、也是他平生毛病、幾日不見、想待

到來、

前腔末扮裴光庭袖詔旨上插架奇書將相吾門戶、

袖中天子辟賢書、瞞着蕭郎前赴、



看後來周  
旋盧生此  
處難爲光  
庭了

自家裴光庭是也。從來飽學未遇，幸逢黃榜招賢，  
自揣可中狀元，則怕蕭兄奪取，心生一計，將這紙  
黃榜袖下了，不等他知，一徑辭他前去。見介外兄  
弟，我近來情懷耿耿，有失款迎。末你兄弟心事匆  
匆，特來告別。外呀，有何緊急至此。末天大事，都可  
說與仁兄，只這些是小弟機密事，不敢告聞，請了。  
外賢弟，袖中簌簌之聲，何物也。末沒有甚的。外扯  
看介是黃紙。末笑介是本疏頭。外扯看介奉天承  
運皇帝詔曰：天下文士可於本年年三月中旬赴京

殿試，朕親點取無違。呀，原來一紙招賢詔書，爲何  
賢弟袖着。末實不瞞兄，此榜文，御史臺行下本學，  
學裡先生把與愚弟看，愚弟想來別的罷了，仁兄  
才學蓋世，聽的黃榜招賢，定然要去，因此悄悄的  
袖了這詔旨，瞞兄往京，單填小弟名字銷繳了。外  
笑介可有此話，秀才無數，何在我一人。

皂羅袍末提起書生無數，俺三言兩句壓倒其餘，那  
蒼生一郡眼無珠，則你春風八面人如玉，哥，你兄弟  
才學，要中頭名狀元，你去之時，把我綽下第二了。外



笑介原來如此。末嫦娥所愛無過兩儒。將來並比。端  
然一輪。因此上裴航要閃住你蕭郎路。

前腔外不道狀元難事。但一緣二命。未委何如。你把  
招賢榜作寄私書。遮天袖掩賢門路。別的罷了。賢弟  
在場屋中。我筆尖可以饒讓些子。俺把筆花高吐。你  
真難展舒。俺把筆尖低舉。隨君掃除。便金堦對策也。  
好商量做。

末這等多承了。店中飲一杯狀元紅去。

尾聲外狀元紅吸不盡兩單壺。俺和你雙雙出馬長。

安路兄弟呵。則這些時把月宮花談笑取。

王孫公子不豪奢。雪案螢窗守歲華。

但是學成文武藝。都堪貨與帝王家。

第六齣 贈試

遶池遊旦上偶然心上做盡風流樣。懶粧成。又假人  
半晌。老占笑上營勾了腰肢通籠繡帳。聽得來愁人  
夜長。

醜奴兒旦紅圍粉簇清幽路。那得人遊。老天與風  
流。有客窺簾動玉鈎。占探香覓翠芙蓉架。官了私。



點睛

甘畢夢

休○合○此處人留蝶夢迷花正起頭○老姐姐天上弔

下一箇盧郎○占○不是弔下盧郎是箇驢郎○旦○蠢丫

頭說出本相○思想起我家七輩無白衣女婿○要打

發他應舉○你道如何○老好哩○姐夫得官回你做夫

人了

卜筭子○生○上○長宵清話長廣被風情廣似笑如顰在

畫堂費盡佳人想

見介○旦○集唐盧郎你不羨名公樂此身○生○這風光

別似武陵春○旦○百花仙醞能留客○生○一面紅粧惱

煞人○旦○盧郎自招你在此成了夫婦和你朝歡暮

樂百縱千隨真人間得意之事也○但我家七輩無

白衣女婿○你功名之興○却是何如○生○不欺姐姐說

小生書史雖然得讀○儒冠誤了多年○今日天緣現

成○受用功名二字○再也休提○旦○咳○秀才家好說這

話且問你會過幾場來

朱奴兒○生○我也忘記起春秋幾場○則翰林苑不看文

章○沒氣力頭白功名紙半張○直那等豪門貴黨○合○高

名望時來運當○平白地爲卿相

得個休歇

邯鄲夢

三



哭世笑世

旦說豪門貴黨也怪不的他則你交遊不多才名未廣以致淹遲奴家四門親戚多在要津你去長安都須拜在門下生領教了旦還一件來公門要路能勾容易近他奴家再着一家兄相幫引進取狀元如反掌耳生令兄有這樣行止旦從來如此了

不數錢神論

前腔旦有家兄打圓就方非奴家數白論黃少了他呵紫閣金門路渺茫上天梯有了他氣長合前生這等小生到不曾拜得令兄旦你道家兄是誰

家兄者錢也奴家所有金錢儘你前途賄賂生笑介原來如此感謝娘子厚意聽的黃榜招賢盡把所贈金資引動朝貴則小生之文字字珠玉矣旦正當如此梅香取酒送行

鴈來紅送酒介寬金盞瀉杜康緊班騅送陸郎他無言覷定把杯兒倘再四重斟上怕濕羅衫這淚幾行合疑眸望開科這場但泥金早傳唱

前腔生葫蘆提田舍郎仗嬌妻有志綱贈家兄送上黃金榜握手輕難放少別成名恩愛長合前

那那妻上

后



尾聲拜介指定衣錦還鄉似阮郎此去呵走章臺再  
休似以前胡撞俺留着這情一對画不了的愁眉待張  
敞

嘻笑怒罵  
皆文章矣

開元天子重賢才  
開元通寶是錢財  
若道文章空使得  
狀元曾值幾文來

第七齣 奪元

夜行船淨扮宇文融上宇文後魏留支派猶餘霸氣  
遭逢聖代號今三臺權衡十宰又領着文場氣槩

集唐猶得三朝托後車普將雷雨發萌芽中原駿

馬搜求盡誰道門生隔絳紗下官乃唐朝左僕射  
兼檢括天下租庸使宇文融是也性喜奸讒材能  
進奉日昨黃榜招賢聖人可憐見着下官看卷進  
呈思想一生專以迎合朝廷取媚權貴卷子中間  
有箇蘭陵蕭嵩奇才奇才雖是梁武帝之後異代  
君臣管我不着又有箇聞喜裴光庭正是前宰相  
裴行儉之子武三思之婿才品次些我要取他做  
箇頭名蕭嵩第二早已進呈未知聖意若何早晚  
近侍到來可以漏洩聖意左右門外伺候



粉蝶兒老旦扮高力士引隊子上綠滿宮槐隨意到  
棘闈簾外

丑報介司禮監高公公到門淨慌走接介淨早知  
老公公俯臨下官禮合遠接老老先過謙了日下  
看卷費神思哩淨正要脩一密啟稟問老公公未  
知御意進呈第一可點了誰老有點了淨是裴光  
庭庭老還早淨是蕭嵩老再報來淨後面姓名下  
官都不記懷了老可知道

一封書都經御覽裁看上了山東盧秀才淨想介

山東盧秀才老名喚盧生知他甚手策動龍顏含笑  
孩淨老公公看見當真點了他老親看御筆題紅在  
待剪宮袍賜綠來合御筵排榜花開也是他際會風  
雲直上台

淨奇哉奇哉這等裴蕭二人第幾老蕭第二裴第  
三淨背介

前腔卷首定蕭裴怎到的寒盧那狗才回介是他  
命運該遇重瞳着眼擡老老先不知也非萬歲爺一  
人主裁他與滿朝勳貴相知都保他文才第一便是



本監也看見他字字端楷哩。淨可知道了。他書中有路能分拍則道俺眼內無珠做總裁。合前

老告別了。明日老先陪宴。

尾聲

杏園紅。你知貢舉的須陪待。淨還要請老公

公主席纔是老笑介。我帶上了穿宮入殿牌。則助的

你外面的官兒。御道上簪花那。一聲采。下

心事

宇文吊場可笑可笑。咱看定了的狀元。誰想那盧

生以鑽刺搶去了。偏不鑽刺於我。

如此朝綱把握難。不容怒髮不衝冠。

則這黃金買身貴。不用文章中試官。

第八齣 驕宴

丑扮厨役頭巾插花上。小子光祿寺厨役。三百名

中第一刀砧使得精細。作料下得穩實。饅頭摩的

光泛。線麩打得條直。千層起的潑鬆。入珍配得整

飭。何止五肉七菜。無非喫一看十喫了的眠思夢

想。但看的都垂涎咽液。休道三閣下堂餐。便是六

官中。也是我小子尚食。這開元皇帝最喜我蔥花

灌腸。太真娘娘最喜我椒風扁食。止因御湯裡抓



下箇虱子被堂上官打下小子革役虧的過房外  
甥子營救叫小子依舊更名上直內問介外甥子  
誰丑是當今第一名小唱在高公公名下秉筆丑  
笑介你問我今日為何頭上插花來做新進士瓊  
林宴席前路是半實半空案果後面是帶熟帶生  
品食那裡有壽祭牛肉那裡討宣州大栗一碟菜  
五六根黃蘗半瓶酒三兩盞醋滴官厨飯一兩匙  
兒邊傍放着些半夏法製內問介為甚來丑你不  
知秀才們一箇箇飽病難醫待與他燥些脾胃說

弊策

便說了今日天開文運新狀元賜宴曲江池聖旨  
就着考試官宇文老爺陪宴前面頭脊早來也

謁金門前爭上風雲定恩賜御筵華盛我也曾喫紅  
綾春宴餅年華堪自省

我宇文融今日曲江陪宴可奈新科狀元乃是落  
後之卷相見好沒意見後生意氣且自趨奉他一  
二叫光祿寺祗候人役筵宴可齊丑叩頭介都齊  
了只有教坊司未到旦衆上折桂場中開院本插  
花筵上喚官身稟老爺女妓叩頭爭報名來占奴



家珠簾秀旦奴家花驕秀老旦我叫做鍋邊秀淨  
怎生這般一箇名字丑小的知他命名的意見妓  
女們琵琶過手曲過喫家常飯到只伸掌只這名  
叫做鍋邊秀便是小的光祿寺厨役竈下養淨原  
來是箇火頭哩丑着了來和老爺退火淨哇狀元  
已到妓女們遠遠迎接

謁金門後生外末引隊子上走馬御街遊趁鴈塔標  
題名姓旦衆接介教坊司女妓們迎接狀元生衆笑  
介起來起來生勞動你多嬌來直應遶花鶯燕請

淨迎介列位狀元請進拜介應圖求駿馬驚代得  
麒麟白日來深殿青雲滿後塵淨恭喜三公高才  
及第老夫不勝榮仰生叨蒙聖恩外末皆老師相  
進呈之力淨御賜曲江喜筵真盛事也生敢問往  
年直宴止是幾箇老倒樂工今日何當妙選淨今  
日狀元乃聖天子欽取以此加意而來生原來如  
此淨看酒丑花開上林苑酒對曲江池

降黃龍淨送酒介天上文星唱好是金殿雲程玉堂  
風景皇封御酒玳筵中如醉日邊紅杏生崢嶸想像



平生這一舉成名天幸外末拚歡娛酒淹衫袖帽斜  
花勝

前腔衆旦難明天若無情怎折桂人來嫦娥送影人  
間清興是紅裙怎不把綠衣郎敬低聲我待侍枕銀  
屏迤逗的狀元紅金但留名平康到處也堪題咏

淨狀元這妮子要請狀元老夫爲媒生笑介淨官  
妓狀元處乞珠玉生使得題向那裡占奴家有箇  
紅汗巾兒在此生題詩介淨表白介香飄醉墨粉  
紅催天子門生帶笑來自是玉皇親判與嫦娥不

用老官媒衆狀元好染作也淨則就中語句有些  
奚落老夫哩外盧年兄未必有此末官妓再看酒

黃龍滾 同登學士瀛滿把瓊漿領是虎爲龍都是  
風雲慶爲誰奚落爲誰倖幸遶鴈塔共題名瞻清景

扮報子上報報報盧爺奉聖旨欽除翰林學士兼  
知制誥蕭爺裴爺俱翰林院編脩着教坊司送歸  
本院淨恭喜了

前腔 詩題翰墨清鐙撇雕鞍逞風煖笙歌笑語朱  
簾映生成濟楚昂然端正便立在鳳樓前人索稱



掛單  
尾聲淨三公呵御樓高接着帽簷平撇靴尖走上頭  
廳也不枉了你誤春雷十年窻下等

衆下淨吊場笑介好笑好笑世間乃有盧生中了  
狀元爲因不出我門下談容高傲我好取奉他娣  
娥有意老夫可以爲媒乞其珠玉他題詩第二句  
天子門生帶笑來明說不是我家門生這也罷了  
第四句娣娥不用老官媒呵呵有這般一箇老官  
媒不用么待我想一計打發他他如今新除中了  
聖意權待他知制誥有些破綻之時尋箇題目處  
置他

書生白面好輕人。

只道文章穩立身。

直待朝中難站立。

始知世上有權臣。

第九齣

虜動

北點絳唇淨末扮番將相上沙塞茫茫天山直上三  
千丈龍虎班行出將還留相

〔悉〕吾乃吐番丞相悉那羅是也〔莽〕吾乃吐番大將  
熟龍莽是也贊普升帳在此伺候

前腔外扮番王引衆上白草黃羊千廬萬帳歸吾掌



甘單慶  
氣不降唐穩坐在泥金炕見介

青海灣西駕駱駝白蘭山外雪風多一枝金箭催  
兵馬占斷兒家綠玉河自家吐蕃贊普是也我國  
始祖禿髮烏孤曾為南涼皇帝家母金城公主來  
作西蕃贊婆種類繁昌部落強盛與唐朝原以金  
鷲為誓奈邊將長以鐵馬相加正待宣你兩人商  
量起兵一事未爭我國東接松涼西連河鄯南吞  
婆羅北抵突厥勝兵十萬壯馬千群未臣那邏調  
度國中爭臣龍奔攻略境外逢城則取遇將而擒  
唐朝不足慮也外進兵何地為先末先取河西後  
圖隴右外這等就着龍奔將軍徑取瓜沙丞相從  
後策應眾把都們聽令而行眾應介

清江引

普天西出落的番回將大將熱龍奔番鼓

兒緊緊幫番鐃的點點當汗呼呼海螺吹的響

前腔

倒天山靠定了那邏相就裡機謀廣令旗兒

打着羗刁尖兒點着唐錦繡樣江山做一會子捨

十萬生兵不可當

剗騎單馬射黃羊

陰山一片紅塵起

先取涼州作戰場



第十齣 外補

七娘子旦引占上狀元郎拜滿了三年限猛思量那日雕鞍又早春風一半展粧臺獨自撚花枝嘆

好事近無路入天門買斷金錢誰說占逗得翰林

人去送等閑花月旦夢回鴛枕翠生寒始悔前輕

別占一種崔徽情緒為斷鴻愁絕旦梅香我家深

居獨院天賜一位夫君歡心正濃忽動功名之興

我將家資打發他上京取應一口氣得中頭名狀

元果中奴之願矣只為聖恩留他單掌制誥三年

之外方許還鄉奴家相思好不苦呵

針線箱 沒意中成就嬌歡儘意底團圞弄盞問章

臺人去也如天遠小樓外幾曾拋眼早則是一簾粉

絮鶯稍斷十里紅香燕語殘纔疑盼閑愁閑悶被東

風吹上眉山

丑扮報子上報報報狀元到下旦驚喜介兒夫錦

旋快安排酒筵

望吾鄉生引隊子上翠蓋紅茵香風染細塵花枝笑

插宜春鬢騎驄上路人偏俊盼望吾鄉近揮鞭緊問



路頻崔家正在這清河郡

見介旦盧郎榮歸了生夫人喜也一鞭紅雨促歸

程旦不忿朝來喜鵲聲生官誥五花叨聖寵旦名

揚四海動奴情旦聞的你中了狀元留你中書三

年掌制誥因何便得錦旋生你不知小生因掌制

誥偷寫下了夫人誥命一通混在眾人誥命內朦

朧進呈僥倖聖旨都准行了小生星夜親手捧着

五花封誥送上賢妻瞞過了聖上來也旦費心了

盧郎你因何得中了頭名狀元生多謝賢卿將金

賞廣交朝貴疎動了君王在落卷中看出做箇第

一。旦。哎。也。險。些。第。二。了。

玉芙蓉生文章一色新要得君王認插官花酒生袍

袖春雲春風馬上有珠簾問這夫婿是誰家第一人

你夫人分有花冠告身記當初伴題橋捧硯虧殺卓

文君

前腔旦你天生巧步雲早得嫦娥近乍相逢門兒掩

着成親秋波得似俺花前俊暗裡絲鞭打着人掩行

夫運夫人縣君只這些時為思夫長是翠眉顰

夢境

着眼



幾個報報  
報來得閃  
忽極是夢  
境

掛單夢

三

內報報報、差官到、淨扮官上、東邊跪的去、西頭走  
得來、常差官見、見介稟老爺躑蹌了、原來老爺朦  
朧取旨、馳驛而回、被宇文老爺看破了、奏上聖旨  
寬恩免究、此去華陰山外、東京路上、有座陝州城、  
運道二百八十里、石路不通、聖旨就着老爺去做  
知州之職、鑿石開河、欽限走馬到任、不許停留、生  
且有這等事、快備夫馬、夫妻們邾州去也、

尾聲 則道咱書生祿米幾粒太倉陳、要平白地支  
管看河陽運、兩人呵也、則索寶馬香車一路兒引、

三載暮登天子堂、

一朝衣錦畫還鄉、

陋劣

催官後命開河路、

食祿前生有地方、

第十一齣

鑿邾

普賢歌 淨扮委官上 陝州城下水波波、運道上乾焦  
石落、洛州官來開河、工程一月多、點包兒、今朝該到  
我、

犯雙聲疊  
韻極多此  
其一也

小子麻哈人氏、考中京營識字、偶遇疏通事宜、加  
納陝州幕職、陝州一條官路、二百八十八里、頑石、  
東京運米西京費盡人牛脚力、轉搬多有折耗、顛

邾邾

三



倒刻減顧直人戶告理難當上官議開河驛州裡  
盧爺詳允動支無碍工食工程一月有餘並不見  
些兒涓滴小子當蒙鈞委特來點比工役諸餘作  
手都可到是甲頭老賊推呆賣老不來來時打的  
他一直

字字雙丑扮甲頭拿紙錢上我做甲長管十家十甲  
開河人役暗分花點開排門常倒有些些喇襍管工  
官又把甲頭揸沒法

見介淨惱介這些時狗弟子孩兒還不來伺候丑  
叩頭介小的不敢淨工程一月有餘還不見你一  
點水丑不敢哩水是地下的血難道小的身上尿  
淨狗奴管水喫水你推的沒有丑小人有罪權送  
一分紙錢淨惱介狗才紙錢是這紙錢丑這是盧  
大爺因水道不通領了衆夫甲三步一拜將次到  
這禹王廟來了這紙錢是禹王老爺用的難道老  
爺倒用不的淨慌介哎也原來太爺行香這狗才  
不早通報快去點香鋪席

縷縷金生領衆上山磊磊石崖崖鋤鋤流汗血工食



費民財，爭接生介，洒掃神王廟，親行禮拜，要他疏通泉眼，度船簰，再把靈官賽。

爭香紙齊備，生拜介。

雙調江兒水

禹王如在，吏民瞻拜，石頭路滑，倒把

糧車兒礙，要鑿空河道，引江淮。合叫山神早開，河神

早來，國泰民安似海。

前腔衆拜介，長途石塊，轉搬難耐，領官錢上役，真醜

醜，偷工買懶，一樣費錢財。合前

生祭完了，分付十家牌，一人管十，十人管百，搥鼓

僱工不許懈怠，衆應介，內鼓外作介。

桂枝香生則爲呵，太原倉窄，臨潼關隘，未說到砥柱

三門，且掘斷蘆根一帶，看泥沙石髓，看泥沙石髓，便

陰陽違礙，也無如之奈，好傷懷。衆改筆這辛苦，男女們當

得的，生滴水能消得，民間費血財。

內鼓介，衆驚介，好了好了，稟老爺東頭水來了，生

喜介，真箇洞洞的水聲哩。

前腔衆，黃河過脉，澠池分派，自從公主河西，直引到

太陽橋外，看涓涓碧水，看涓涓碧水，此時蒙昧，定然



滂沛好開懷。生云還有前山未開哩。衆望梅且止三軍渴。逢靖權消一滴災。

衆作鋏鑿不動介。呀。怎的來下不得銑。看介。稟老

爺。前面開的山是土山石皮。這兩座山透底石一

座喚名鷄脚山。一底熊耳山。銑他不入的。生背想

介。鷄脚山熊耳山。庑昔禹鑿三門五行。竝用回介。

鷄脚和熊耳。你道銑打不入。俺待鹽蒸醋煮了他。

衆笑介。怕沒這等大鍋。生不用的。鍋州裡取幾百

担鹽錯來。衆應下扛鹽上介。鹽錯在此。生取乾柴

幻中之幻

百萬束連燒此山。然後以醋澆之。着以鋏椎。自然

頑石粹裂而起。後用鹽花投之。石都成水。衆笑介。

有這等事。放火介。

大趯鼓。燒空儘費柴。起南方火電霹靂摧崖呀。山

色燒煤了。生快取醋來。衆鼓錯介。料想山神前身爲

措大。又逢酸子措他來。這樣神通教人怎猜。

衆笑介。怪哉怪哉。看這鷄脚跟熊耳朵。都着酸醋

煮糶了。生快下鋏斧。成其河道。衆鼓鋤介。

前腔。生鶴嘴啄紅崖。似鱗皴甲綻。粉裂烟開。一面撒

趣



鹽生水也。衆鼓撒鹽介。知他火盡青山在。好似雪消春水來。鑿介驚介。河頭水流接來了。衆笑介。水鳥初飛通船引旛。

〔生〕百姓們功已成矣。河已通矣。當鑄鐵牛於河岸之上。以輓重舟。頭向河南。尾向河北。一面催僨入關。糧運兼以招引四方商賈。奇貨聚於此州。一面奏知聖上。東遊觀覽勝景也。不在。了。陝州百姓之勞。衆多謝老爺男女們。插柳沿河。以添勝景。

尾聲

還把清陰垂柳兩邊栽。奏明主東遊氣槩。衆

大河頭鑄一個鐵牛兒千萬載。

〔下〕

省盡人牛力。

恩波鑄鐵牛。

傳聞聖天子。

爲此欲東遊。

第十二齣

邊急

詞壯

西地錦。外扮老將引衆上。踏破冰凌海浪。撞開積石河梁。馬到擒王。旗開斬將。袍花點盡風霜。

坐擁貔貅胆氣豪。玉門關外陣雲高。白頭未掛封侯印。腰下長懸帶血刀。自家涼州都督羽林大將軍。王君奘是也。瓜州常樂縣人氏。平生驍勇善騎。



射蒙聖恩以戰功累陞今職隴右河西聽吾節制  
長城一線控隔吐番近聞番兵大舉入寇兵鋒頗  
銳不知他大將爲誰待俺當頭出馬俺好不粗雄  
也

山花子 老河魁福國安邦將羽林軍個個精芒按  
星宮頓開旗五方陣圍花太歲中央內鼓介合鼓轟  
天如雷震張鎗刀甲盛如日光馬噴秋如雲飛戰場  
倚洪福如天犬展邊疆

扮報子上報報報吐番有個大將熱龍莽殺過來  
了外快整兵前去行介

清江引 大唐家有的是驍雄將出馬休攔擋軍兒  
走的慌陣兒擺的長定西番早擒下先鋒熱龍莽下

淨扮龍莽領衆上唱前清江引普天西出落的云

云外衆上打話介淨吾乃番將熱龍莽是也你是  
何小將敢來迎戰外吾乃大將王君奩是也出馬

在此早降早降戰介番將佯敗外衆追下介末扮  
那邏領衆唱前清江引倒天山靠定了云云上吾  
乃吐番丞相悉那邏是也領兵策應龍莽將軍日



前有書教他佯輸詐敗。唐兵必追。吾乃生兵遶出其後。破之必矣。把都們一齊殺過關南。轉西以擒唐將。衆應下。淨上外追戰介。末衆上叫介。王君奩。王君奩且歇一馬。咱吐番丞相救兵在此。外慌介。呀。中計了。中計了。三軍死戰。淨末夾戰外。敗被殺。介淨末相見介。多承國相遠來。得此全勝。末唐軍戰敗。大將陣亡。便乘此威風。搶進玉門關去。不可有遲。

加鞭哨馬走如龍。斬將長驅要立功。

假饒一國長空闊。盡在吾家掌握中。

第十三齣

望幸

梨花兒淨扮驛丞上。陝州喏大的新河驛。老宰今年六十七。承差之時二十一。啖巴到尚書。還要百個十。小子陝州新河驛驛丞。生來祖代心靈。幼年克縣門役。選去察院祇承。也是其年近貴。那一位察院爺有情。有情賞我背褡一箇。與了我承差一名。差到東西兩廣。不說南北二京。承差的威風休論。役滿赴考銓衡。選中了吏部火房幹事。又犯了些不

副皮着神  
是一幅驛  
丞小像



了事情。三年飛天過海。偷選了陝州新河驛驛丞。驛係潼關出口。錢糧津貼豐盈。幾領轎。幾抬扛。幾匹驢頭。律令勅般的紙牌勘合。半斤肉。十鍾酒。十箇鷄了。膿血食樣似中火下程。本等應付。少也要落幾段。折色分倒。多則是沒一成。因此往來公役。常被牠唬嚇欺凌。幾番推躲不出。入房搜捉不寧。真乃一報還了一報。承差慣打驛丞。幾番要逃。要死。貪些狗苟蠅營。你道各處送來徒犯。便是送我。幾個門生。入門有拜見之禮。着禁有賣免之情。不

完月錢打死。費一張白紙超申。縱有查盤點視。除了刺字替身。日久上司官到。搖船擺站缺人。到頭天樣大事。撞着一個老太歲遊神。內老爺是那位過往官到。淨。哎也。你道是誰。當今開元皇帝。不安本分開行。又不用男丁擺擻。要一千個裙釵唱着采菱。本州太爺親選了九百九十八個。少了的是押殿腳的頭梢二名。老驛丞無妻少女尋不出。逼出了人的眼睛。遲悞了欽依當要。小子有計了。西頭梁斷處。一條性命藤繩。吊頸介。占丑扮囚婦出



救介。怎么了。本官老爺縱不爲螻蟻前程也爲這條狗性命么。淨醒介。便是這條狗命說甚么螻蟻前程。叩頭介。你二位不是乾娘義妹怎生這救苦難觀世音。占丑。奴家兩人都是本驛囚婦。淨。哎。有這等姿色的囚婦一向躲在那裡不來參見本官。且問你丈夫那裡去了。占。我丈夫叫短包兒剪綹去了。淨。怎麼說。占。是老爺放他去好還月錢。淨。多承了。丑。我丈夫是胡哈兒吊鷄去了。淨。好生意哩。丑。也是老爺教他去。淨。我要鷄怎麼。丑。下程中火

呢。淨。罷了。早是不曾選着你搖九龍舟去。若見老皇帝說知此事。那皇帝連我的鷄都怕喫了。話分兩頭。且問二位仙鄉何處。占丑。江南人氏。淨。會打歌兒哩。占丑。也去的。淨。一發妙。如今萬歲爺到來。九龍舟選下一千名殿脚菱歌女。止欠二名。恰好你二人運到。勞你打箇歌兒。將月兒起興。歌出船上事體。每句要彎彎二字。中兩句要打入帝王二字。要個尾聲兒有趣。占。使得。占。歌介。月兒彎彎貼子天。新河兒彎彎住子眠。手兒灣灣抱子帝王

歌自都趣

邯鄲書上

三



頸。脚兒灣灣搭子帝王肩。帝王肩。笑子言。這樣的。金蓮大似船。淨歌的好。歌的好。合中君王之意。向

丑介你要四個尖尖。中間兩句也要帝王二字。也

要個梢尾聲兒。丑汚耳了。歌介月兒尖尖照見子

鈔。鉄釘兒尖尖篡子篙。嘴兒尖尖好貫子帝王耳。

手兒尖尖模子個帝王腰。帝王腰。着甚么喬。天上

船兒也要俺地下搖。淨妙妙妙。就將你兩人答應

老皇帝。則怕生當些觸誤了聖體。要演習演習纔

好。占丑沒箇演習所在。淨便把我當老皇帝。演一

演何如。丑笑介使得。淨我唱口號二句。你二人湊

成歌介俺驛丞老的似個破船形。抹入新河子聽

水聲。占丑唱介一櫓搖時一櫓子睡。則怕掘篙子

撐不的到大天明。丙响道介淨快走快走。州裡太

爺來了。

西地錦生引隊子上。峽石翻搖翠浪。茅津細吐金沙。

打排公館似仙家。晝夜瞻迎鸞駕。

淨見介西江月生鸞駕。即時巡幸新河。喜得完成。

東都留守報分明。祇候都須齊整。淨一要錢糧。恊



似劉改之

甘單夢  
濟諸般答應精靈普天之下、一人行怎敢因而失、  
敬稟爺萬歲爺爺若起岸而行、住何官館、生原有  
先年造下繡嶺宮、三宮六院見成齊備、扈從文武、  
俱有公館帳房、人役錢糧、也有東京七十四州縣、  
津分帖濟則有一千名棹歌女子、急節難全、怎生  
是好、淨止欠二名、輝、丞、星、夜、家、中、搬、取、嫡、親、姊、妹、  
二名教他打歌搖櫓、已勾一千之數、生驛丞費心  
了、衆稟介驛官、誑爺是兩名囚婦、生好打、淨叩頭  
介雖則囚婦頗有姿色、又能唱歌、急忙難討、這等  
一對、生也說得是、驛丞聽我分付、

一封書

東來是翠華、耍曲柄紅羅織一把、淨驛裡

到沒有這一件、生繡嶺宮鸞駕庫裡借來、御筵排怎  
麼、遶龍盤盡插花、淨則怕珍羞不齊、老皇帝也只得  
隨鄉入俗了、生我自象牙盤上膳千品、外間所獻、  
預備賞賜而已、淨還怕扈駕文武老爺管接不周、文  
武官員猶自可有那等勢焰的、中貂怎奈他、生不妨、  
有個頭兒高公公、我已差人送禮、他自能約束、則我  
這裡要精細哩、休當要莫爭差、喫不盡直駕將軍一



個瓜

還一事分付各路糧貨般千百餘艘着以五方旗  
色編齊綱運逐隊寫着某路白糧某州奇貨每般  
上焚香奏其本地之樂淨應介官走上報介稟爺  
掌頭行的老公公到了聖駕已駐三百里之外生  
忙介快看馬來迎駕去

地脉三河接

天臨萬乘通

有星皆拱北

無水不朝東

第十四齣

東巡

太常引宇裴引隊上天迴地遶聖躬勞春色曉鷄號  
日華逢上赭黃袍蓮花仙掌雲霄

宇下官御史中丞平章軍國大事宇文融是也裴  
下官中書少監裴光庭是也中書監蕭年兄在京  
監國我二人扈駕東行這是臨潼關外行宮前面  
將次陝城了州守乃是盧年兄也宇笑介盧生在  
此三年新河一事未經報完好難的題目哩裴此  
君之才下官所知河工必成當受上賞宇河成不  
成到彼便見內裡傳呼聖人升殿

前已說奏  
知聖上此  
說未釋  
完夢話也



遶池遊上引高力士衆上黃輿左纛又出三門道聽  
行漏玉鷄春曉扇影全高日華初照合錦江山都迴  
環聖朝

衆叩頭呼萬歲介上黼帳天臨御路開離宮清蹕

暫徘徊。瞳瞳谷暗千旗出。洶洶山鳴萬乘來。寡人

唐玄宗皇帝是也。車駕東巡洛陽。駐蹕潼關之外。

今已早膳。高力士傳旨起駕。高傳旨介行介。

望吾鄉犯。電轉星搖。旌旗出陝郊。仙公河上誰傳

道。三生帝女人悲杳。萬乘親巡到。生跪伏介云。知陝

州事。前翰林院學士兼知制誥臣盧生領台州官吏

百姓男女迎駕。上問介。那知州。可是前日狀元盧生。

裴是上平身。生萬歲萬歲萬萬歲。上前面高聳聳的

是何物。生出關路險。搭有天橋。上天橋么。天將風雨。

生所謂雨師洒道。風伯清塵。上笑介。趨行。合看砥柱。

望石橋。山川天險出雲霄。離宮渺帳殿。遙二陵風雨

在西嶠。

上傳旨且住避雨片時間陝州有何行殿生有萬

歲巡行繡嶺宮上怎見的生有詩爲証上可奏來

一句何等  
深遠



生臣謹奏春日遲遲春草綠野棠開盡飄香玉綉  
嶺宮前鶴髮翁猶唱開元太平曲上聽此詩昔年  
遊幸如在眼前生萬歲喜天開日朗鸞駕可行上  
傳旨迺運而進

絳都春 搥鼓鳴笳望山程險處過了天橋則這些

截斷了河陽京兆早捱過了臨潼跣蹬的遙大華如  
夢杳似蓮嬌倒映的這關門窄小生云臣盧生謹奏

聖駕已出潼關到了河口請登龍舟上朕記此間舊  
是石路何用龍舟生臣已開河三百餘里以備聖駕

夢話

東遊上笑介有此奇異之事朕往觀之望介呀真乃

水天一色也龍輿瞻眺真乃是山色水光相照內鼓  
吹上衆登舟介

上下了龍舟生臣已選下殿脚采女千人能為掉

歌采女叩頭介掉歌介

出隊子 君王福耀謝君王福耀鑿破了河關一線

遙翠絲絲楊柳回蘭橈酒滴向河神吹洞簫好搖搖  
等閑平地把天河到了

上美哉棹歌之女也



鬧樊樓 說甚麼如花殿脚多奇妙那菱歌起處却  
 也魚沉鴈落似洛浦凌波照甚漢女明粧笑在處裡  
 有嬌嬈也要你臣子們知道新河站偏他粧的恁好  
 內奏樂介生臣之妻清河崔氏備有牙盤一千品  
 獻上上笑介准卿奏生進酒介臣盧生謹上千秋  
 萬歲壽

鶯画眉 金盞酌仙桃滴金莖湛露膏臣膝行而進  
 臨天表牙盤獻水陸珍肴菱歌奏洞庭天樂上笑介  
 合今朝有幸雲霄裡得近天顏微笑

上牙盤所進分賜護從人等卿平身生呼萬歲起

介上前船隻數千隊奏樂器是什麼船生此皆

江南糧餉各路珍奇逐隊焚香奏他本土之樂

滴滴金上笑介衆看幾千艘排列的無喧鬧一隊隊  
 軍民齊跪着頂香爐唱着細樂各路的貨郎兒分旗  
 號白糧船到了有那番船上回回跳江漢來朝都到  
 這河宗獻寶

上二卿知昔日陝州之路乎石嶺崎嶇江南糧運  
 至此驢馳車載萬苦千辛因此祖宗以來遇糧運



稍遲、俺君臣們巡狩東都就食、不想今日有此盧生也。

啄木兒

上

他時路石徑喬、糧運關中車輓勞、怕乾枯

了走陸地蛟龍誰、撥轉個透海金鰲、生云臣謹奏、這

新河、望萬歲賜以新名、上可賜名永濟河、生萬歲、上

是開元天子巡遊到新河、永濟傳徽號、穩倩取歲歲

江南百萬漕、

上前岸屹然而立、頭向河南尾向河北者、何物也、

生鉄牛以鎮水災、上宣裴光庭、卿長於文翰、可作

鉄牛頌、以彰盧生之功、裴萬歲、臣謹奏、上可奏來、

裴天元乾、地順坤、元一元而大武、順百順而為牛、

牛其春物之始乎、鉄乃秋金之利乎、其為制也、寓

精奇特壯、趾貞堅、首有如山之正、角有不崩之容、

至乃融、巨冶洪蒙、執大象、驅神功、遂爾東臨周

畿、西盡號略、當函關之路、望若隨仙、近桃林之塞、

時同歸獸、昔李冰鎮蜀、立石咒於江流、張騫鑿空、

飲牽郎於漢渚、蓋金為水火、既濟牛則山川舍諸、

所謂載華岳而不重、鎮河海而不洩、其在茲與、臣

頌亦通古  
有疵句



光庭作頌頌曰杳冥精兮混元氣爐鞴椎牛載厚地巨靈西撐角峒崑馮夷東流吼滂沛堅立不動神之至層隄顧護人所庇帝賜新河名永濟玉帛朝宗千萬歲上笑介奇哉頌也盧生刻之碑銘汝功勞在萬萬年不小也生萬歲

三段子上河源恁高動天河江潮海潮詞源恁豪剪文章金刀筆刀盧卿呵這柳堤兒敢配的甘棠召裴卿呵你金牛作頌似河清照衆跪介合禹鑿鴻碑也只感帝堯

內馬聲宇望介岸上走馬有何事情緊急哩小卒上星忙來路遠火速報君知宇文老爺報子叩頭宇有甚軍情緩緩說來

鬪雙雞卒邊關上邊關上番軍來抄宇云有大將王君奩在哩卒君奩將君奩將就中難道宇云難道是殺了卒刻下風聞非小宇云有玉門關哩卒敢撞進了玉門關那邊兒不要宇云不要那邊難道要這邊卒起介便要不得這邊廂也商量怎了下

宇奏介臣宇文融啟萬歲有邊報緊急吐番殺進

見大段道理



長城王君奭抵敵不過伏乞聖裁上驚介這等怎  
生處分

上小樓

虛囂非常震擾去長安路幾遙急忙間扈

駕的難差調酸溜溜的文官班裡誰誦過兵書去戰

討

字背笑介開河倒被盧生做了一功恰好又這等

一箇題目處置他回奏介臣與文班商量除是盧

生之才可以前去征戰上卿言是也生兵凶戰危

臣不敢任上寡人知卿卿萬不可辭即拜為御史

中丞兼領河西隴右四道節度使掛印征西大將

軍星夜起程無得遲候朕有御衣戰袍一領賜卿

御前穿挂了謝恩生應起介內鼓吹生換戎裝上

謝恩介新陞御史中丞兼領河西隴右四道節度

使臣盧生見駕叩頭上平身卿去朕無西顧之憂

矣

耍鮑老

邊關事多應難料且把個錦將軍裝束的

俏你頭插了侍中貂也只索從征調裴汗馬功勞比

尋河外國那辛勤較字俺這裡玩波濤臨潼鬪寶你



可也展雄樣逞英豪合遵欽限把陽關唱好是你封侯道

內鼓吹開船介上盧生盧生

尾聲 我暫把洛陽花遶一遭專等你捷音來報那

時節呵重疊的蔭子封妻恩不小下

生跪伏呼萬歲起介分付眾將官既然邊關緊急

欽限森嚴就此起程不辭夫人而去了正是昔日

饑寒驅我去今朝富貴逼人來下旦占上本來銀

漢是紅牆隔得盧家白玉堂誰與王昌報消息盡

知三十六鴛鴦咱和梅香尋相公去來呀怎不見

了相公也

一境

賽觀音 我兒夫知何際記不起清河店兒拋閃下

傅陵崔氏合一片無情直恁水流西

占問介一河兩岸老哥見太爺那裡去了內唐明

皇央及太爺跨馬征番去了旦哭介原來如此

前腔 為征夫添憔悴平沙處關河鴈低楊柳外夕

陽烟際合聽馬嘶聲好還似在畫橋西

梅香咱們趕上送他一程走介



人月圓、跌着脚、叫我如何理、把手的夫妻別離起、  
等不得半聲將息、跨馬征番直恁急、合征塵遠、空盈  
盈淚眼、何處追隨、

占趕不上、且回州去、再作區處、

前腔、去則去、要去誰關你、便婦女軍中、胡頹甚氣、咱

回家今夕你何州睡、割不斷夫妻一肚皮、合淒涼起、

除則是夢中和你些兒、

河功就了去邊州、人不見、今水空流、

山上有山何處望、一天明月大刀頭、

第十五齣 西謀

淨外扮將軍上、臺上霜威凌草木、軍中殺氣傍旌  
旗、我們河西節度使府中副將是也、大都督盧爺  
升帳、在此伺候、

金瓏<sub>生</sub>引衆上、河隴逼西番、爲兵戈大將傷殘、爭  
些兒撞破了玉門關、君王西顧切、起關東掛印登壇、  
長劍倚天山、

集唐三十登壇衆所尊、紅旗半捲出轅門、前軍已  
戰交河北、直斬樓蘭報國恩、我盧生自陝州而來、



因河西大將王君奐與吐蕃戰死河隴動搖朝廷  
震恐命下官掛印征西兵法云臣主和同國不可  
攻我欲遣一人往行離間先除了悉那邏丞相則  
龍莽勢孤不戰而下此乃機密之事也訪的軍中  
有一尖哨叫做打番兒漢講得三十六國番語穿  
回入漢來去如飛早已喚來也

北絳都春旦扮小軍插旗上莽乾坤一片江山千山  
萬水分程限偏我這產西涼直着邊關也是我野花  
胎這頭分瓣見介生云呀你便是打番兒漢你可打  
的番通的漢

健捷激昂

混江龍旦舞介打番兒漢俺是打番兒漢哨尖頭有  
俺的正身迭辦生祖貫是羌種漢兒種旦祖貫南番  
到這無爺娘田地甘涼畔順風兒拜別了悶摩山你  
收了這小番兒在眼一名支數口糧單小番兒身才  
輕巧小番兒口舌闌番小番兒曾到羊同党項小番  
兒也到那昆侖白蘭小番兒會吐魯渾般骨都古魯  
小番兒會別失巴的畢力班闌小番兒會一留啣喇  
的講着鐵里小番兒也會剔溜禿律打的山丹但教



俺穿營入塞無危難。白茫茫沙氣寒。將一領答思叭  
兒頭毛上按。將一個哨弼力兒唇綽上安。敢則是夜  
行晝伏。說甚麼水宿風餐。生養軍千日。用在一朝。我  
今日有用你之處。你可去得。旦止不過敲象牙。抽豹  
尾。有甚麼去不得也。那顏生如今吐蕃國。悉那邏丞  
相。足智多謀。爲我國之害。要你走入蕃中。做個細作。  
報與番王。只報悉那邏丞相。因番王年老。有謀叛之  
意。好歹教那番王害了他。你去得去不得。旦這場事  
大難大難。你着俺行友間。向刀尖劍樹萬層山。你教  
俺越也不越。頑也不頑。太師呵。你教俺沒事的。謊人  
反將何動。憚着甚麼通關。生但逢着番兵三三兩兩。  
傳說去。悉那邏丞相謀反。自然彼中疑惑。要甚麼通  
關呢。旦天也。你教俺兩片皮。把鎮胡天的玉柱。輕調  
侃。三寸舌。把架瀚海金梁。倒放番俺。其實有口難安。  
生既然流言難布。我有一計。千條小紙兒。寫下悉那  
邏謀反四字。到彼中。遍處粘貼。方成其事。旦此計  
可中。則將這紙條兒。紙條兒。宰地的莊嚴看。呀。一千  
個紙條兒。拿着怎好。生想介。便是俺有計了。打聽番



中木葉山下，一道泉水流入番王帳殿之中，給你竹  
 籤兒一片，將一千片樹葉兒刺着，悉邏謀反四個字，  
 就如虫蟻蛀的一般，上風頭放去，流入帳下，他正道  
 天神所使，斷然起疑，此乃御溝紅葉之計也。且妙哉  
 妙哉，須不比知風識水，消紅顏，倒使着寒江楓葉丹。  
 你道灘也麼灘，透燕支山外山，小番兒去也。生賞你  
 一道紅十角酒，三千貫響鈔，買乾糧，鑄去成事實。  
 你千戶告身，且懷揣着片醉題紅錦囊，出關撲着只  
 星去，星還到木葉河灣，則願遲共疾，央及煞有商量。  
 的流水潺顏好，和反掇賺他沒套數的番王，着眼生  
 你道葉兒，立寫甚來。

北尾 無筆仗，指甲裡使着木刀鑽，有靈心似虫蟻  
 兒，猛把書文按，怎題的漢宮中。無端士女愁，則寫着  
 錦番邦，悉那邏丞相反。下

生 番兒去的猛，此事必成，但整理兵馬，相機而進。

賢豪在敵國，反間為上策。  
 目睹捷旌旗，耳聽好消息。

第十六齣 大捷



掛單  
一枝花淨扮龍莽上殺過賀蘭山。血染燕支塞。展開  
番主界。踏破漢兒牌。氍毹登臺繡帽獅蠻帶。與中華  
鬪將材。三尺劍秋水摩楷。七圍帳蓮花寶蓋。

自家熱龍莽吐番稱大將。撞破玉門關。把定了銅  
符帳。俺便待長驅甘涼。進窺關隴。則爲俺國裡悉  
那邏丞相。他智勇雙全。一步九筭。已差人商議去  
了。俺想自古有將必有相。一手怎做得天大事也。

北二犯江兒水 悉邏相國。想起那悉邏相國。他生  
的有人物在。論番朝無賽。蓋有胸懷好兵書。好戰策。

他和俺答的來。我有他展的開。一個邊臺。一個朝楷。  
合着這兩條龍翻大海。衆云可也怕唐家江山廣大。  
人物乖巧。淨漢兒恁乖。也不見漢兒恁乖。唐家多大。  
搶着看唐家多大。則俺恨不的展天山。打破了漢摩  
崖。

番卒插令箭上吉力煞麻尼撒里哈麻赤報復元  
帥。悉那邏丞相謀反。被贊普爺殺了。淨驚介怎麼  
說。丑再說介。淨誰見來。丑菩薩見。淨怎生菩薩見。

丑元帥不知本國有木葉山水泉。直透我王宮帳。



甘單夢  
流下有千片葉兒、虫蛀其上、有悉邏謀反四大字、國王爺見了、差人出山巡視、並無一人、國王爺說道、天神指教了、請丞相爺喫馬乳酒、腦背後銅鎚下、腦漿迸流、淨驚介、這等丞相可死了、丑可不死了、淨哭介、俺的悉邏丞相、天也、天也、扮報子上報報報、唐家盧元帥大兵殺過來了、淨這等怎了、怎了、

**北尾**  
急翻身撇馬營門外、猛鑿鑿、番鼓陣旗開、天呵、可能勾金蹠上馬、敲重奏的凱、下

生引衆唱前清江引、大唐家有的是云云上、自家奉詔征番、用智殺了番相、悉那邏、此時番將勢孤、可擒也、三軍前進、下淨引衆唱前清江引、普天西出落的云云上、見介、淨來將何人、生大唐盧元帥、淨認得咱龍莽將軍么、生正爲認的你、纔好拿你哩、淨你有王君奩那厮手段么、生笑介、你家悉那邏那厮何在、戰介、番敗下介、又上戰、番敗下介、生領衆殺上、呀、熱龍莽敗走了、我軍星夜趕去、遇城收城、遇鎮收鎮、殺出陽關、以西、正是饒他走上、



磨天也要騰身趕將去下

北調脫布衫莽領敗兵走上想當初壯氣豪洵把全

唐看的忒虛囂到如今戰敗而逃可正是一報還一

報

把都們孩兒怎了也

中呂小梁州哭介折沒煞萬丈旄頭氣不銷鬼哭神

號明光光十萬甲兵刃成拋調殘箭引弓梢

內鼓噪報介漢兵到也莽走走走那來的休得追

趕

么兔窩兒敢盼得番兵到錦江山亂起唐旗號閃

周遭天數難逃血雨漂兵風噪難憑國史說咱是漢

天驕

罷了罷了千里之外便是祈連山乃胡漢之界待

我想一計來內鴈叫介有計了不免裂帛為書繫

於鴈足之上央他放我一條歸路萬一回兵未可

知也天天天只可惜死了那邏丞相呵

耍孩兒從來將相難孤吊一隻手怎生提調如風

捲葉似沙漂死淋侵無路奔逃真乃是玉龍戰敗飄



鱗甲野獸驚回濕羽毛  
夾及煞孤鴻味一兩句中腸  
打動千萬個大國求饒

煞尾 南朝那一敲西番這一叢  
老天天望不着咱

那窠兒到吐魯魯羞煞咱  
百十陣的功勞這一陣兒

掃

走上天山一看 殺氣無邊無岸

做了跌彈班鳩 說與寄書胡鴈



邯鄲夢卷上 終



